

**BREAKING: OLA DI
HORTAMENTO DI BROMMER
AKT NA ARUBA; E 7 TIP
ESENCIAL CU MESTER SA**



WWW.SOLODIPUEBLO.COM



SOLODIPUEBLO@GMAIL.COM

**CARTA DRAMATICO PA
REY TA PAPIA DI MENASA,
TA STRATEGIA PA TAPA
PROBLEMA FISCAL?
OF TA WAK PITUFO**



**PRESIDENTE DI
IRAN A AFIRMA
CU E
GUERA
CU
ISRAEL A
TERMINA**



**MINISTER
WYATT-RAS NO
KIER CONTESTA
SI LO PAGA
DUNADORNAN DI
CUIDO INDEXERING
DI 11.7%!**

**PARLAMENTARIO XIOMARA
MADURO A PRESENCIA
VIBRACION CULTURAL NA
CENTRO DI BARIO NOORD**



OBRA ‘CORONANDO’ PA BIBLIOTECA



Artista visual, Alida Martínez (Alida Martínez Soto, 1964), a regala Biblioteca Nacional Aruba un obra titula ‘Coronando’. Esaki ta pa biblioteca su exposicion permanente y publico. Alida ta artista contemporaneo y e tin su Studio na Paradera. Alida ta conoci pa Mixed-media installations, scultura,

collage, dibuho y cuadra. Alida a participa na hopi exposicion y tambe dos biaha na e Biennal di Havanna. Alida Martinez a funda ‘INSIGHT Foundation for the Arts’ na Aruba na 2006 y Alida ta Co-iniciador y presidente di e ‘Aruba Contemporary Caribbean Art Biennial 2011-12’. Den su arte Alida ta explora e.o. su identidad

como artista y hende muhe, cultura, refleho riba situacionnan social den contexto Caribeño. E obra ‘Coronando’ ta refleha situacion Geo-politico den Caribe y

mundial. Alida ta expresa “Te na unda e ‘poder’ lo hiba nos un pueblo, nos isla, region di Carib,e como tambe paisnan mundialmente. Y di ki manera esaki ta worde usa na bienestar di un pueblo y

su economia.” Por lesa mas di Alida su carera den buki ‘Arte; beeldende kunst van de Nederlandse Antillen en Aruba, p.120, parti di biblioteca su coleccion.

CAMBIA PERSPECTIVA TOCANTE OBESIDAD: SA BO NUMBER Y MIDI BO PESO



CARTA DRAMATICO PA REY TA PAPIA DI MENASA, TA STRATEGIA PA TAPA PROBLEMA FISCAL? OF TA WAK PITUFO

San Nicolas / Oranjestad, 24 di juni 2025 — E polemica rond di Mike Eric de Meza ta sigui y awor cu un desaroyo nobo cu ta lanta hopi pregunta den comunidad. Den un carta dramático manda pa Rey Willem-Alexander, un grupo di simpatizanten y sostenedor ta bisa cu “dit gaat zo ver dat wij nu ook vrezen voor de persoonlijke veiligheid van De Meza en zijn naasten”. Na papiamento: “esaki a yega asina leu cu nos awor nos ta teme pa seguridad personal di De Meza y su famia.”

Segun e carta, tin forsa

politico no kier pa De Meza bira minister y ta usa tur medio pa logra esaki, incluso pone su seguridad na riesgo. Pero e gran pregunta ta: Unda e menasa ta? Unda e prueba ta?

Ningun instancia oficial, ni polis ni Ministerio Publico no a bisa cu De Meza a reporta of cu tin investigacion riba menasa pa su bida. Si e ta teme pa su seguridad y su famia, kico e ta warda pa pone un denuncia formal? Si un lider politico ta den peligro, ta su deber di tuma paso manera un ciudadano normal y busca proteccion



ateaves di e via oficial.

Loke por ta pasa aki, segun hopi ta pensa, ta cu De Meza ta usa e

miedo como un estrategia pa cambia e atencion for di su propio problema fiscal y e investigacion penal tin contra dje. Ta

hopi mas facil pa pinta bo mes como victima di un “complot” politico cu enfrenta e realidad: cu bo nombramento a para pa motibo concreto di belasting, y no pa un conspiracion di fantasia.

Un analista local a bisa: “Si e ta sinti cu su seguridad ta na peligro, laga e pone e denunciq. Si no, e tipo di palabranan aki ta solamente pa confundi pueblo y tapa su propio falta.”

Aruba ta merece lidernan honesto y transparente, no drama y miedo sin base. E pueblo ta warda prueba real, no solamente palabra.

PRESIDENTE DI IRAN A AFIRMA CU E GUERA CU ISRAEL A TERMINA



E presidente di Iran, Masud Pezeshkian, a declara diamars cu e guerra di 12 dia cu Israel a inicia contra su pais a termina, poco despues

cu e stop proponi pa e presidente di Merca, Donald Trump, a drenta na vigor.

"Nos ta mira un stop i e fin di e guerra cu a ser impone riba e pueblo irani pa medio di e agresion imprudente di e regimen sionista," Pezeshkian a menciona den un comunicado.

E lider irani a afirma cu Israel a sufri "un castigo severo i histórico" i "daño inimaginable." E stop di guerra, cu a ser anuncia pa Trump, tabata pa dura 12 ora, pero Iran ya a considera

esaki como un "derota" pa Israel.

E conflicto a cuminsa dia 13 di juni cu atakenan israelí contra instalacion nuclear irani, mientras Iran a responde cu misil i drone, afectando principalmente zona central i nort di Israel.

Segun cifranan, 610 persona a muri (mayoria civil den Iran) i mas di 4,700 a keda herida, mientras cu den Israel 28 victimanan mortal a ser reporta.



Peticion pa aprobacion di un plan di parcelacion na Mahuma conforme art. 33 di e Ordenanza di desaroyo teritorial (LRO). E concepto di e plan di parcelacion ta poni pa inspeccion publico na **DIP, Sabana Blanco 68**, cu reserva di tur derecho cu cambianan por wordo hasi na e parcelacion, durante un luna desde dia **25 juni 2025** durante oranan di trabao. Tambe e plan por wordo mira riba www.dip.aw.

Interesadonan por entrega te cu un luna despues di e termino aki nan punto di bista por escrito tocante e concepto di e plan di parcelacion serca Ministro di Asuntonan General, Organizacion Gubernamental, Infraestructura i Planificacion Ambiental pa medio di e director di DIP.

UN ACCION CHIKITO, CU EFECTO GRANDI

ORANJESTAD, Aruba – 24 di juni 2025: Door di bolter tur awa cu ta keda para despues di yobida bo ta contribuyendo grandemente cu un accion ckikito pero cu tin efecto grandi.

Aruba ta experienciando dianan di hopi yobida y manera pueblo di Aruba sa, yobida por ta un bendicion pero tambe tin su peligernan pa salud di hende ora cu awa di yobida keda para rond di cas den henchí, taira, scoter bou mata of den cualkier otro obheto cu por retene awa. Na momento cu awa di yobida of cualkier awa limpi keda para e ta bira un luga unda sangura por pone webo y sigui broei. Mas awa para tin rond di un cas, mas molester di sangura e habitantenan di e cas mes lo tin y tambe esnan cu ta biba den cercanía. Mas cas cu criadero di sangura

tin den un area, mas grandi e problematica di sangura lo ta den un bario hisando asina tambe e posibilidad di transmision di malesanan transmiti pa sangura manera Dengue, Zika, Chikungunya of Keintura Geel.

Eta responsabilidad di cada uno di nos como ciudadano pa mantene nos propiedad y area di biba limpi di awa para, esaki na prome luga pa seguridad di nos propio famia y despues pa bienestar di e bario y Aruba completo. Door di bolter tur awa cu ta keda para despues di yobida bo ta contribuyendo grandemente cu un accion ckikito pero cu tin efecto grandi.

Bo salud ta bo responsabilidad, tuma accion pa proteha bo mes contra malesanan transmiti pa sangura.

un accion CHIKITO cu efecto GRANDI

Deshaci di awa para ta yuda minimalisa e cantidad di sangura transmisor di Zika, Dengue, Chikungunya y Keintura Geel.



Pa mas informacion like nos Facebook page Directie Volksgezondheid DVG Aruba, Follow nos

riba Instagram directie_volksgezondheid_aruba, subi nos website www.dvg.aw, yama nos na 5224200

of mail nos na servicio@dvg.aw

1.500 VIDEO DI FUHIKUBO RIBA COLECCION.AW

1.500 video di Fundashon Histórico Kultural Boneriano (FuHiKuBo) ta riba e plataforma digital, www.coleccion.aw. Esaki ta resultado di un cooperacion cu a bira realidad entre FuHiKuBo y BNA, den cual Peter Scholing di BNA y Edric Croes di Archivo Nacional Aruba (ANA) ta hunga un papel importante.

Loke FuHiKuBo no por a logra riba su mes a bira realidad danki na un cooperacion cu Aruba. Pa FuHiKuBo esaki ta un paso importante, segun Bòi Antoin, presidente di e

fundashon aki, cu tin casi 27 aña caba trahando pa salvaguardia patrimonio cultural Boneriano, tambe dunando aporte na otro islanan cu grabacion di nan hende grandinan.

E proceso pa pone produccionnan di FuHiKuBo riba www.coleccion.aw a cuminsa algun aña pasa, pero na luna di april a conoce un aceleracion, momento cu Bòi Antoin durante un bishita di trabou realisa na Aruba a entrega un 'external harddrive' cu un cantidad di 2165 programa Herensia 'Aki Boneiru'

y documental na Peter Scholing y Edric Croes. Ainda falta pa 'upload' masomenos 900 video riba www.coleccion.aw.

Pues gradualmente tur hende interesa pa mira e produccionnan audiovisual di FuHiKuBo por haci uso di e siguiente linknan pa yega direct na nan: <https://coleccion.aw/fuhikubo> òf

<https://coleccion.aw/herensia>.

FOTO

Na april Bòi Antoin a entrega un disko



duru eksterno cu 2165 produccion di Herensia na Peter Scholing y Edric

Croes di respectivamente BNA y ANA.

Parlamentario Dangui Oduber: MINISTER WYATT-RAS NO KIER CONTESTA SI LO PAGA DUNADORNAN DI CUIDO INDEXERING DI 11.7%!



Ta casi 1 luna pasa cu Parlamentario sr Dangui Oduber a haci varios pregunta na minister Wyatt-Ras referente e pago di indexering di 11.7% na dunadonan di cuido. Ainda Parlamentario Oduber ta pendiente di e contesta. Fraccion di MEP a haci mas di casi 800 pregunta na gobierno y

ainda nos ta en espera di e contestanan. Gobierno tin un meta, haci, deshaci y stroba Parlamento di haci su trabou y sconde informacion pa pueblo.

Como minister saliente di salud publico nos a manda un instruccion pa AZV cumpli cu e pago di indexering pa tur

personal di cuido. Nos gobierno a percura pa duna indexering di 11.7% na tur empleado publico y nos ta kere cu awor cu tin espacio financiero e ta mas cu husto y na su lugar pa minister Wyatt-Ras percura pa e decision aki wordo ehecuta. Ta spera cu minister Wyatt-Ras no cambia e decision manera cu e la haci cu e lista positivo di remedinan caminda awor keto bay tur hende mester paga pa 92 remedi.

Nos mester por balora nos personal di cuidu, nos tin cu dunanan e respet y nos tin cu percura pa nan tin un salario husto. E no ta un trabou facil y nan ta esnan cu specialmente durante pandemia a traha bao di un presion enorme. Awe cu tin placa, awe cu tin surplus di 106 miyon florin ta mas cu na su lugar pa duna tur personal di cuidu e mesun indexering cu empleadonan publico a haya. Tambe nos a laga traha un rapport pa asina percura pa specialistanan tambe wordo duna un miho compensacion y ta spera cu esaki tambe

wordo cumpli cune.

Ta un falta di respet cu ainda minister Wyatt-Ras NO a contesta ningun di e preguntanan cu a wordo haci na dje como tampoco a duna claridad si dunadonan di cuidu lo ricibi nan pago di indexering di 11.7%. Nos ta exigi claridad di parti minister Wyatt Ras, no por ta asina cu AZV ta landa den placa y ainda NO kier paga indexering di 11.7% na esnan cu ta duna e cuidu.

Nos a laga tur cos cla atras pa minister Wyatt-Ras y nos ta spera cu e cumpli cu e decision y percura pa duna indexering na tur personal di cuidu. No por tin ningun motibo pa NO duna nan e indexering aki! Nos ta pidi minister Wyatt Ras pa pone un fecha pa tur esnan den cuidu medico ricibi nan indexering di 11.7% cu nan merece.

‘Ki dia nan ta haya nan pago?’, Parlamentario Dangui Oduber ta termina bisando!



CASH DEN 3


Pa tempo limita!

Probecha, cumpra y resta cen pa bo vakantie!

SHOP NOW
Avenida Milio Croes 41
(+297) 280 0222

electro

CAPITAL HUMANO ... ENTRE BUKI Y ARTE



Sra. Astrid Britten a duna sr. Eman un regalo special. Diasabra ultimo Minister President, sr. Mike Eman y su sra. Doyna

tabata na biblioteca pa e diploma uitreiking na e partipantenan di e curso 'dominio di idioma Papiamento'. Sra. Astrid



a entrega un ehemplar di e catalogo titula 'Capital Humano ... entre Buki y Arte' na pareha Eman.

'Capital humano' ta duna un bista riba e obranan di arte cu ta forma parti di e coleccion nacional di biblioteca y ta ofrece un

biahe den imaginacion y talento di diferente artista local. Un coleccion di cuadra, escultura, mixed media, mural art y cada obra ta conta un storia. Un coleccion di obra cu ta instala den espacio publico pa un y tur por wak, pa bishitante di tur edad.

Sra. Maria Teresa Madariaga a traha hunto cu diseñador grafico y fotografo sr. Dennison Abrahams. Directora di Biblioteca Nacional Aruba, sra. Astrid Britten, ta presenta e publicacion cu orguyo.

BREAKING: OLA DI HORTAMENTO DI BROMMER AKT NA ARUBA; E 7 TIP ESENCIAL CU MESTER SA

Cuerpo Policial Aruba a tumanota curecientemente tin un tendencia pa loke ta trata hortamento di e brommer marca AKT. Nos kier concientisa nos comunidad cu tin un di e brommernan aki pa tuma bon nota di esaki y como mensahe di prevencion pa pone extra seguridad pa evita cu bo brommer

wordo horta.

Esaki door di pone por ehempel: un bon candal, un stuurklem, GPS-tracker y of alarma.

Paga bon atencion na unda bo ta parkeer bo brommer. Por ehempel: pare na unda tin suficiente luz, pone bo brommer na cadena cu slot



na un objeto cu ta dificil pa move y bay cune. Otro tips extra ta no laga bo yabi na unda cu ta. Percura pa bo saca foto di

bo brommer incluyendo e serienummer. Esaki ta pa si acaso e wordo horta bo por muestra polis.

Cuerpo Policial lo keda informa y consentisa pueblo pa ta mas alerta pa tipa di actonan asina.

Clasificados

CLASIFIEDS

SOLODIPUEBLO@GMAIL.COM
CEL. 585 9500

SOLO Di Pueblo

PARLAMENTARIO XIOMARA MADURO A PRESENCIA VIBRACION CULTURAL NA CENTRO DI BARIO NOORD



Diasabra anochi Parlamentario Xiomara Maduro tabata presente na Centro di Bario Noord pa asina disfruta y duna apoyo na e evento Vibracion Cultural cu ta forma parti e proyecto Bario Unico.

E meta di Vibracion Cultural ta pa trece e bario hunto pa asina den union disfruta di bon musica, cuminda, artesanía y ambiente unico crea door di nos localnan.

Vibracion Cultural ta wordo organisa pa CEDE Aruba den cooperacion cu e Centro di Barionan, ATA, UNOCA y colaboracion di Fonds Voor Podiumkunsten.

E evento a conta cu presentacion di varios talento local nobo cu a deleita e publico presente cu nan musica, cuminda y artesanía.

“Tabata bunita pa mira local y turista disfruta di e ambiente unico cu a reina den Centro di Bario Noord. Nos ta spera cu pronto mas bario por haya e oportunidad unico aki di comparti e vibracion cultural di nan distrito y nan centro di bario,” ta palabranan di apoyo expresa pa Parlamentario Maduro cu tambe a disfruta di e dushi ambiente cu a reina durante Vibracion Cultural na Centro di Bario Noord.



No obstante tension geopolitico internacional

MINISTER CICILIA LO FORTIFICA Y INCLUI NOS HENDENAN DEN E RESULTADO DI TURISMO OPTIMISTA CU DESAROYO DI TURISMO



For di algun dia caba Minister di Turismo, Transporte y Labor, mr. Wendrick Cicilia ta tuma nota di algun comentario y conseho rib'e crecimiento di turismo pa cu Aruba. For di oposicion, ta tilda cu turismo ta conociendo un caida mientras cu di organisacion manera College Aruba financieel toezicht (CAft) ta expresa nan preocupacion p'un posibel debilitacion den turismo pa e di dos mitar di aña 2025.

Minister Cicilia ta confirma cu turismo ta bayendo bon, berdad tin algun desaroyo cu ta monitoreando di

cerca, por ehempel e tension geopolitico, por ehempel e conflicto entre Israel cu Iran pero te cu awo, Aruba no mester ta preocupa. Aruba no tin un rol den e conflicto pero si lo por sinti e efecto cu tempo. Oficina di turismo ya a raporta cu a base di e ultimo pronostico, e cantidad di turista pa Aruba lo por mustra un subida di minimo 5% na fin di aña 2025 pa cu 'stay over arrivals'. Pa tur region ta mustrand un crecimiento compara cu 2025, pues Merca, Latino America y Europa.



Aruba Tourism Authority (ATA) a indica cu e uzo di VISA a conoce un aumento di 8.8% compara cu e prome kwartaal di 2024. Segun ATA, e aumento ta representa un subida di 7% den cantidad di cardholder. No por laga afo cu e gasto di e usuarianan di VISA na Aruba durante nan estadia a crece cu 1.9% compara cu e mesun periodo na aña 2024.

Den mesun rosea, manera indica anteriormente, na Aeropuerto Internacional Reina Beatrix tambe lo conoce algun cambio. Apart cu ex-CEO di aeropuerto, James Fazzio lo ta bek pa un periodo corto pa yuda resolve e situacion di fila largo, AUA Airport ya a anuncia introduccion di e sistema nobo di 'passanger flow control' pa tur pasahero cu lo biaha pa Merca. E cambio aki a drenta na vigor desde 17 di juni 2025.

Entre tur e bon noticianan pa nos isla, ta bon pa remarca cu Aruba tabata anfitrión di e Platinum Associate Membership Advisory Council (PAMAC). PAMAC t'un conferencia caminda e ehecutivonan den e mundo di crucero a topa otro pa comparti vision y ideanan p'e destinacionnan rond mundo. Pa Aruba, e tabata un un evento importante mirando cu ta despues di ocho aña a organis'e bek na Aruba. Nos a ricibi e oportunidad pa demonstra kico mas Aruba tin di ofrece. Apart di e atraccionnan nobo, pero tambe e ultimo desaroyonan riba nos isla.

Siguiendo cu bon noticia pa nos turismo, nos ta refleha bek riba un grandioso evento di Ban Bek Caya caminda turismo a integra cu comunidad den un solo evento. Ministerio di Turismo

ta comprometi pa sigui sostene tipo di eventonan asina den futuro, caminda nos comerciantenan local ta ricibi e plataforma pa expone nan servicio y producto n'e publico presente. E proximo Bak Bek Caya lo e fin di siman aki, 27 di juni.

"Nos ta keda optimista pa e desaroyo di nos turismo, comunidad ya a expresa nan preocupacion di e cantidad di turista cu ta bishita nos isla. E idea ta pa sigui atrae e turista cu ta gasta mas riba nos isla pero esaki lo bay man den man cu e fortuna comparti. Nos hendenan tambe tin cu sinti e crecimiento den nan cartera. Mi vision di 'community-based tourism' lo fortifica y inclui nos hendenan den e resultado di turismo", asina Minister mr. Wendrick Cicilia a termina bisando.

MINISTER DI DEPORTE GERLIEN CROES TA APOYA Y FELICITA TUR CU A PARTICIPA DEN E IBISA KIDS RUN 2025



Oranjestad, 23 di juni 2025 – Diasabra ultimo, Aruba a vibra cu energia, deporte y alegria durante e celebracion di e IBISA Kids Run 2025, organisa pa IBISA den marco di Olympic Day Celebration. Cu mas di 700 participante for di mas cu 60 scol, muchanan entre 4 y 18 aña a participa den e careda mas grandi di mucha na Aruba.

E evento, cu ta un colaboracion anual entre IBISA, Comité Olimpico Arubano (COA) y Aruba Bank, ta representa un momento di union y inspiracion pa promove movimiento, salud y spirito deportivo entre e generacion nobo. E demanda pa participa a keda hopi grandi, demostrando cu e amor pa deporte ta sigui crece den nos comunidad y bou di nos muchanan.

Aunke cu e 'Olympic Day' oficial ta dia 23 di juni, e celebracion a tuma luga diasabra den combinacion y forma di celebracion

cu e IBISA Kids Run. E ambiente tabata festivo y educativo na mes momento: muchanan por a saca potret cu e antorcha olimpico den un photobooth special, a ricibi nan certificado di participacion na oficina di COA, a participa den un experiencia deportivo, conoce diferente federacionnan di deporte y wak demostracionnan bibo durante e mainta aki.

Minister Gerlien Croes, como Minister di Educacion, Hubentud y Deporte, ta expresa su felicitacion y orguyo na e

organisadornan: "Pabien y danki IBISA, Comité Olimpico Arubano y Aruba Bank pa un evento cu ta mas cu deporte—ta representa union, crecimiento y inspiracion. PABIEN! ta bay na tur mucha cu a participa, y pa cada maestro, mayor y guia cu a duna nan motivacion pa participa y triunfa". Esaki ta deporte den su forma mas puro: inclusion, diberticion y formacion. Nos ta conta riba nos mucha- y hobennan, y e pasonan cu nan ta tuma awe ta fundeshi pa un Aruba mas saludabel y mas participativo.



RESUMEN DI TAEKWONDO TEAM ARUBA NA E PANAMERICAN KUKKIWON CUP NA LIMA PERU



Siman pasa tabata tin varios evento di Taekwondo na Lima, Peru. For di 9 di Juni te cu 22 di Juni entre otro: 137 WT seminario di Kyorugui y 152 WT curso di refreshment pa Kyorugui. 62 WT IR seminario y 59 WT IR curso di refreshment.

Prome campeonato Pamanericano pa hende muhe den Poomsea y Kyorugui. Copa Kukkiwon den Poomsea "Forma" y Kyorugui "Bringa". 2ndo Kukkiwon Cup.

Taekwondo Team Aruba tabata tin 3 participante

y coach Master Yoshmar Wever.


Aidan Klaber a perde su pelea pa mey kilo contra di e weegschaal. Quinten Klaber a bringa contra di Christopher Andre Astorga for di El Salvador. Quinten Klaber a perde e prome rond cu un score di 18-0 cu ta point gap. Den e di dos rond Quinten Klaber a logra score 3 punto pero e no tabata suficiente fuerte y a perde e rond aki 13-3. Rachid Erasmus a topa Athan Valentino Asencion Pantoja di Peru. Rachid Erasmus a cuminsa bon ganando e prome rond



CONTINUA PAG 11

PANAMERICAN KUKKIWON CUP NA LIMA PERU

CONTINUACION PAG 10



cu un scor di 5-5. Den e di dos rond Rachid Erasmus a haci varios atake, pero su contrincante a domina e rond ganado esaki cu un score di 7-3. Den e ultimo rond Rachid Erasmus a purba, pero no a logra.

Coach Master Yoshmar Wever ta satisfecho cu e resultado y awo ta bay analisa pa asina prepara pa e futuro.



MINISTER DI SALUBRIDAD PUBLICO A ENTREGA YABI DI LABORATORIO HOH NA DIRECTIVA DI HOSPITAL HORACIO ODUBER



Dialuna 23 di juni, Minister di Salubridad Publico, drs. Mervin Wyatt-Ras, acompaña pa Prome Minister, mr. Mike Eman, a haci un bishita oficial na Hospital Horacio Oduber (HOH), na unda a tuma luga e traspaso simbolico di yabi di e Laboratorio nobo di HOH, for di Gobierno di

Aruba pa man di directiva di Hospital. Durante e acto, Prome Minister Mike Eman a pone enfasis riba e vision strategico di su gabinete durante anjanan anterior, den cual a identifica e necesidad urgente pa renoba y amplia e facilidadnan medico di Aruba. Cu un poblacion

den crecimiento y un hospital cu tabata enfrenta deterioro, a considera diferente opcion, incluyendo construi un hospital completamente nobo na un sitio mas central riba nos isla. Pero, despues di un evaluacion profundo di infraestructura y facilidadnan existente, y su posicion strategico pa local y turista, a tuma e decision visionario pa renoba y amplia e hospital. Prome Minister a enfatisa cu Gobierno di Aruba tabata wak mas leu, mirando un Aruba cu no solamente hotelnan di cinco strea pa e turistanan, pero tambe un sistema di cuido medico di cinco strea pa nos hendenan. Tempo cu a inicia cu e proyecto aki, Minister Richard Visser y despues Minister dr. Alex Schwengle, a mira e balor di e vision di Gobierno cu tabata mira mas leu cu un Aruba cu hotelnan di cinco strea pa nos turistanan. Cuido medico, tambe mester a bira di cinco strea y e vision aki a forma e base pa e inversion pa eleva no solamente nos hospital sino cuido medico na nivel di cinco strea. Minister Wyatt-Ras a

expresa su profundo gratitud na directiva di SOGA pa e rol crucial den supervision di e proyecto di expansion, durante un trayecto cu a dura mas cu dies aña, confrontando varios obstaculo, pero cu perseverancia a yega na un final exitoso. E traspaso di laboratorio HOH ta representa un paso final importante na caminda pa e gran apertura dia 27 di september proximo, na unda oficialmente lo corta cinta di nos hospital completamente transforma. Minister Wyatt-Ras a recorda cu durante su temporada den Parlamento, hopi parlamentario tabata cuestiona e opinion di Wyatt-Ras, cu Aruba su hospital lo bira un joya den Caribe comparable cu e miho hospitalnan na Merca. Awe, e minister ta confirma esey personalmente, y ta orguyosa di e transformacion cu Aruba a logra. Prome Minister Mike Eman a haci un comparacion entre e hospital bieu y e facilidad moderno di awe. Pa Prome Minister e hospital bieu

tabata refleha un situacion di un pais den desaroyo, sin mucho privacidad pa pashent y cu limitacion pa e personal medico por funciona debidamente. Awe, Aruba tin un hospital moderno, y ta duna cuido medico di calidad, humano y digno. Aruba por ta orguyoso. E entrega di e laboratorio nobo no ta solamente un acto simbolico, pero un testimonio di un vision, planifica y realisa pa haci Horacio Oduber Hospital un centro di cuido di excelencia cu un ekipo medico bon capacita, tecnologia ultra moderno, personal capacita y servicio pa pashent excepcional.



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - June 24, 2025

CATOLIC Sorteo # 4660 7175 3007 4118 MULTI-X X2 BIG 4 Sorteo # 4660 4625 MULTI-X X3 TUFF Sorteo # 2716 1794 ZODIAC Sorteo # 4660 9751 Acuario LUCKY 3 Sorteo # 1534 879 MULTI-X X2	LOTTO 5 Sorteo # 0 x Jackpot 0 x Match 4+ 0 x Match 4 0 x Afl. 12,00 Joker Letter Proximo Jackpot 170.000,-	LOTTO DI DIA Sorteo # 0 x Jackpot 0 x Match 4 0 x Afl. 8,00 Proximo Jackpot 50.000,-	MINI MEGA Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 Mega Ball Proximo Jackpot 600.000,-	MEGA MEGA Afl. 900.000,-	KORSOU Sorteo # 
--	---	--	---	---	--

Clasificados



SOLODIPUEBLO@GMAIL.COM
CEL.585 9500


INTERNATIONAL ARUBA REGATTA 2025

TA CASI CLA PA RANCA SALI

E Aruba International Regatta 2025, cual lo bira e di diescincio edicion, lo inicia riba 27 di juni 2025, cu registracion habri, musica, snacks, na e beach banda di Naptaly Henriquez Park, Oranjestad. E bar lo ta habri pa nabegadonan y spectadornan registra, topa cu otro, gara nan gear anto experiencia e ambiente unico di e comunidad di nabegacion.

E 'Regatta Village' riba beach lo wordo traha pa boluntarionan. E huesnan lo bini for di Corsou y lo ta esnan oficial den locual ta score y premiacion di e evento.

Regatta lo presenta un rango diverso di clase di nabegacion, cu enfasis tibia diferente nivel di habilidad y interes. Esaki lo ta e clase cu lo participa den e caredanan:

- Optimist: E clase

aki ta especificamente diseña pa nabegadonan hoben, brindando nan un oportunidad pa por muestra nan abilidadnan di nabegacion y competi.

- Qubes: Un otro clase dedica na nabegadonan hoben, e clase di Qubes ta ofrece un plataforma competitivo pa juniors por demostra nan abilidadnan di nabegacion

- F11: E clase aki ta inclui botonan di careda F11, cu ta conoci pa nan velocidad y agilidad. Participantenan den e clase aki ta nabegadonan cu hopi habilidad den nabega awanan dificil cu hopi precision

- Beachcats: E clase di Beachcats ta envolvi careda di catamaran chikito y cu menos peso. E botonan aki ta traha pa velocidad y diversion

- Sunfish: E clase di Sunfish ta popular pa loke ta 'single-handed racing' cual ta envolvi nabegacion den botonan chikito facil

pa maneha y brindando tog un experiencia divertido

- Laser: E clase di Laser ta renombra pa loke ta su caredanan competitivo. E ta inclui 'single-handed sailing' den Laser sailboats y ta rekeri hopi habilidad y precision

- RaceClass I [Yachts]: E clase aki ta inclui careda den yacht hopi mas grandi, mustrandotambeelegancia y poder di e vehiculonan aki. Participantenan den e clase aki ta competi cu nan yate pa demostra nan experiencia den nabegacion

- Cruising Class [Yachts]: The Cruising Class ta ofrece un experiencia hopi mas relaha cu ta enfoca riba e diversion di nabegacion y colaboracion entre participantenan. E ta habri pa yate di diferente tamaño y configuracion

- Live Aboard Class [Yachts]: E clase aki ta pa nabegadonan cu ta biba den exterior cu nan yate.

E ta brinda un oportunidad pa nabegadonan di exterior tambe por muestra nan abilidadnan di nabegacion y disfruta di e experiencia di Regatta

- Multihull [Class]: E clase aki ta envolvi careda den multi-hulled sailboats, cual ta conoci pa nan estabilidad y velocidad.

E clase aki ta atrae nabegadonan cu hopi habilidad den nabegacion di e vehiculonan unico aki

- Kiteboarding: Kite Class ta dedica na kiteboarding, un deporte maritimo hopi divertido cu ta combina sailing & surfing. Kiteboarders ta muestra nan abilidadnan y tambe ta presenta algo maniobra riba lama.

- Boto miniatura: 35" 40" y 45", cual ta botonan chikito



di herencia Rubiano riba awa den accion.

- Windsurf: E clase di Windsurf ta envolvi careda riba windsurfing boards, utilizando e poder di e biento pa maniobra y yega na velocidadnan mas halto. Windsurfers ta demostra nan expertisio den e clase dinamico aki.

Adicionalmente e International Aruba Regatta tambe lo presenta cuminda y bebida excelente den servicio pa ambos e nabegadonan y publico pa medio di Trampoline pa Trabao.

Esnan presente lo por disfruta di platonan delicioso y bebidanan refrescante mientras ta disfruta di e ambiente di Regatta.

Entretenimento lo wordo brinda pa banda local di Reggea The Originalz cu lo agrega un ambiente vibrante na e evento riba diadomingo. E zonidonan di e musica lo complementa e accion y sensacionnan di e caredanan, asina creado un ambiente festivo pa tur por disfruta di dje.

Tambe mester agrega cu International Aruba Regatta ta pone un enfasis hopi fuerte den loke ta bida maritimo, nabegadonan hoben

den region, y brindando conscientisacion riba e importancia di proteha y preserva nos lama. Por medio di compina e diversion di nabegacion cu enfoque riba administracion ambiental, International Aruba Regatta ta promove sostenibilidad y responsabilidad pa ora ta trata deportenan maritimo y recreacion.

Generalmente, International Aruba Regatta ta primiti di brinda caredadnan emocionante, platonan delicioso y servicionan di bebida, entretenimento captivante, y un compromiso pa guia nos nabegadonan hoben y preserva nos medio ambiente y bida maritimo.

Esaki ta un evento cu ta trece tur amante di nabegacion hunto, e comunidad local, y tambe bishitantenan pa disfruta di un experiencia memorabel.

Nos ta warda bo na Regatta!

Opening Event: Friday, 5pm to 9pm, Juna 27 th
Sailing Saturday, 9am to 4pm, June 28th
Sailing Sunday, 9am to 3pm, June 29 th . Awards youth 4pm. Awards Adults 7pm.
Live entertainment 5pm to 9pm

ARUBA INTERNATIONAL REGATTA 2025

Join Us!
Sailor, supporters and the general public

Opening Event
Friday, June 27th | 5PM - 9PM
Regatta Village at Naptali Henriquez Speelthuin Beach
Registration - Networking - Bar

All Day, All Classes Sailing Races
Saturday, June 28th | 9AM - 5PM
Sailing races until 4PM
Sunday, June 29th | 9AM - 9PM
Sailing races until 3PM
Live Music from 5PM to 9PM

Award Ceremony
Sunday, June 29th
Youth 4PM • Adults 7PM

<https://aruba-regatta.org/>

BON NOTICIA DEN CUAL IGLESIA BO TA? PASOBRA TA UN IGLESIA SO CRISTO HESUS A LANTA

Bijbel Exodo 24: 7- 8, den e Evangelio aki, Dios Tata a cera e prome Aliansa cu e pueblo di Israel, pa medio di Moises. Bijbel 2 Samuel 7: 16, den e Evangelio aki, Dios Tata a eligi David, pa bira e prome Rey di Israel. Dios Tata a priminti Rey David cu su sucesornan, cu nan lo ta pa semper encabesa e Reino di Dios. Bijbel Mateo 26: 26 – 28, den e ultima cena Hesus a bisa Su apostelnan: “Boso tur bebe for di e copa di binja aki, esaki ta Mi Sanger, e Sanger cu ta confirma e Aliansa cu Mi ta derama pa hopi hende, pa pordon di pikanan.” Akinan Hesus ta confirma Su Sacrificio y morto na crus, deramando Su Sanger precioso, pa e Aliansa Nobo di Dios Tata, cu ta e pueblo Nobo, e Herusalem Nobo di Israel. Bijbel Lucas 1: 32 – 33, ta bisa: “Senjor Dios lo duna Hesus e trono di Su antepasado Rey David y te den eternidad lo E ta Rey di e descendientenan di Jacob y Su Reino lo no tin fin.” Bijbel Mateo 16: 15 – 19: “Hesus a puntra Su apostelnan: Anto boso mes, ta ken boso ta bisa Mi ta? Simon a contesta: Bo ta E Mesias, E Yiu di Dios bibo! Hesus a bis’e: Felis bo ta Simon yiu di Huan, pasobra no ta hende a revela bo esaki, ma Mi Tata cu ta den Cielo. Mi ta bisa bo: Abo ta Pedro (o sea baranca) y riba es baranca aki, lo Mi lanta Mi Iglesia y forsanan di fierno lo no podera di dj’e. Lo Mi duna bo e yabinan di Reino di Cielo y loke bo prohibi na tera, ta prohibi den Cielo tambe y loke bo permiti na tera, lo ta permiti den Cielo tambe.” Akinan Hesus ta bisa bon

cla, Mi Iglesia, osea un solo Iglesia y no Iglesiasnan. E demonionan den fierno lo lanta diferente sectanan na mundo, pa podera y pa kibra e Iglesia di Hesus, pero nan lo no logra. Hesus a duna Simon e nomber Pedro, cu ta significa baranca, cabes visibel di Su Iglesia. Hesus a duna Pedro e yabinan di Reino di Cielo y esaki ta significa, cera y habri e portanan di Reino pa laga e almanan drenta den Reino di Cielo. Den e unico Iglesia di Cristo-Hesus, tin e yabinan di e portanan di Reino di Cielo. Hesus a duna e autoridad na Pedro pa dirigi Su Iglesia, di loke ta permiti y di loke ta prohibi. Bijbel Marco 16: 15 – 16, aki Hesus ta bisa Su apostelnan: “Sali pasa na henter mundo y predica e Evangelio pa henter humanidad.” E palabra, sali pasa na henter mundo y predica e Evangelio pa henter humanidad, ta significa, Universal, Hesus Su Iglesia mester ta Universal. E Iglesia Universal di Hesus, ta e pueblo Nobo di Israel, cu ta e Herusalem Nobo di Dios Tata den e Aliansa Nobo. Awor, tur hendenan, sectanan y e Hudiunan mes, nan mester kere den Cristo-Hesus y nan mester drenta y bautisa den E Iglesia Universal di Hesus, pa nan por drenta den e Reino di Cielo. Hesus a duna Su apostelnan tambe, Su doctrinanan di Gracianan di salvacion pa Su Iglesia: Bautismo Mateo 28: 19 – 20, Confirmacion Echonan di Apostelnan 2: 1 – 4, Confesion Huan 20: 23, Eucaristia Lucas 22: 19 – 29, Matrimonio Mateo 19: 4 – 6, Apostolado Marco

3: 13 – 19, Enfermonan Hacobo 5: 14 – 15. Awor puntra bo mes, ta di con tin tanto sectanan na mundo y mientras ta un Iglesia Hesus a lanta? Na anja 1521, Martin Lutero un frere, teologo aleman a bai contra di e Iglesia Universal di Cristo-Hesus. El a inventa e teoria di e interpretacion liber di Bijbel. E interpretacion liber aki, a produci 36.000 diferente sectanan y oposicionnan na mundo. Tur e sectanan aki, ta pretende di ta di Hesus. Durante tempo a trece hopi division y hopi di nan a lanta nan mesun religionnan, sectanan y predicando e Bijbel den nan mesun manera y buscando hendenan debil den fe pa sigi nan. Martin

Lutero a bira Protestant, pasobra el a protesta y el a trece doctrinanan robes den Iglesia Universal di Cristo Hesus. Den Bijbel Echonan Apostelnan 20: 28 – 30, carta di San Pablo na su coleganan Apostelnan: “Cuida boso y di henter e rebanjo na cual Spirito Santo a pone boso como Obisponan pa warda e Iglesia di Senjor, na cual E’l a gana cu Su propio Sanger. Mi sabi cu despues di mi partida, lo drenta lobonan feros cu lo no tene compasion cu e rebanjonan y cu denter di boso mes, lo surgi hendenan cu lo sinja doctrinanan robes y nan lo gana discipelnan nan tras.” Ta manera cu Hesus a bisa den Bijbel Mateo 16: 18, cu forsanan

di fierno lo purba podera y kibra e Unico Iglesia Universal di Hesus, pero nan lo no logra. Den Bijbel Revelacion 21: 10-14, ta bisa, di e ciudad Santo di Herusalem cu tabata bahando di Dios for di Cielo, briyando di Dios Su Gloria. E muraya di e ciudad tabata tin diesdos piedra di fundeshi grandi y riba nan, e diesdos nomber di e diesdos Apostelnan di E Lamchi tabata scirbi. Esaki ta e diesdos nombrenan scirbi riba e diesdos Portanan di Reino di Cielo. Husga pa bo mes, si bo ta den un Iglesia corecto pa bo salvacion. Pasobra nunca no ta laat pa compronde e berdad y pa comberti na tempo.

Scirbi pa Seferino Tromp



INTELIGENCIA DI UN MUCHA NO TA DEPENDE DI SU NOTANAN



Aunke cu nos sa cu e inteligencia di un mucha no ta depende di su notanan, manera con nos ta laga nos mes como mayor, impresionan cu e cualificacionnan!

Un excelente ta yena nos di orguyo, un onvoldoende of suspension, ta decepciona nos, manera cu e nota aki lo defini kende nos yiu ta y cualnan ta su capacidadnan.

E cualificacionnan escolar ta un forma di midi un conocimiento. Sin embargo, no ta duna cuenta di e esfuerso y e dedicacion cu e mucha a inverti den e proceso di aprendisahe. Tampoco ta demostra si efectivamente e mucha a siña algo di forma consistente. Un mucha cu un bon memoria, kisas ta obtene bon punto.

Un mucha cu un inteligencia distinto den e materia den cual e ta wordo evalua, por haya onvoldoende. Sin embargo, den e materia vincula cu su tipo di inteligencia, seguramente e lo ta exitoso.

Inteligencia di e mucha Si. Segun e psicologo y investigador Howard Gardner, den cda persona tin ocho tipo di inteligencia

of habilidadnan cognoscitivo. E teroia di inteligencianan multiple aki, ta reconoci den hopi ambito educativo.

Di acuerdo cu e planteamiento di e profesor Mericano aki, no ta existi un unico inteligencia unico humano. Tin un diversidad di inteligencia, cu ta marca e potencialidad, fortaleza y debilidadnan cu cada individuo tin y cu lo marca su actuacion den distinto escenario.

E teoria di inteligencianan multiple aki, ta permiti balora, compronde y stimula e potencialidadnan di cda mucha, mas leu di loke por midi un indice di conciente intelectual.

Bo yiu tin tur e tipo di inteligencianan aki, solamente cu uno ta mas preponderante cu otro.

E inteligencia di e mucha pa matematica, por yud'e tin bon resultado. Sin embargo, no lo ta igual si e inteligencia pa linguistica of pa deporte ta mas debil. Tur esaki ta pone den evidencia e berdada cu e notanan no ta representa e inteligencia di e mucha.

E tiponan di inteligencia
Inteligencia linguistico

E muchanan cu e tipo di inteligencia aki ta siña skirbi, lesa, conta cuenta of haci crucigrama cu suma facilidad. Su lenguaje orral ta asina bon como esun skirbi. E tin facilidad pa siña idioma.

Inteligencia logico-matematica
Muchanan cu ta resolve cu facilidad problemanan aritmetico, problemanan di logica-matematica, weganan di strategia y experimento. Na esunnan cu e tipo di inteligencia aki ta resulta nan hopi facil resolve pruebanan di conciente intelectual.

Inteligencia visual y espacial
Muchanan cu gusta dedica nan tempo liber pa pinta, gusta resolve puzel of ta prefera weganan di construccion, tin e tipo di inteligencia aki. Nan ta pensa den imagen y dibuho.

Inteligencia musical
Ta muchanan cu ta disfruta, siña y aprecia e cancionnan y musica. Nan ta identifica cu facilidad sonidonan. Nan tin e facilidad pa siña toca un instrumento musical.

Inteligencia corporal cinestesico

SUDOKU

5		9				4		
7		8	3		4	9		
6		1				7	3	
4	6	2	5					
3	8	5	7	2	1	6	4	9
1	9	7	4		8	2		
2			1					4
		3		4			8	7
	7			5	3			6

8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
	9					4		

	8							
				2	1	8	7	
2			3				5	9
		4			9		2	
	7		2	1	8	4		6
9					3	7		
6	9		4					
	4	8	1		7			

FORTALEZA PA FAMIA

Scirbi pa Pastor Marcel Balootje.

DIOS NO TA TOLERA, DESOBEDIENCIA, MALDAD, Y MENTIRA, E TA SACA TUR COS NA CLA

Ningun hende no mester ganja su mes y kere cu Dios lo bay di acuerdo cu maldad, pasobra maldad no ta bini di Dios, e no ta den e naturalesa di Dios, Dios ta berdad y berdad ta Dios.

For di principio di mundo, Dios a demostra esey y te e dia di awe, cos no a cambia, pasobra Dios no ta cambia.

Awendia nos ta mira mayornan ta tolera desobediencia di nan yuinan, amigonan ta tolera maldad, coleganan di trabao ta bay di acuerdo pa haci maldad, pero un spiertamento ta bini na nos mes, y ta corda tur hende cu Dios, no ta tolera desobediencia.

Adam e Eva a purba ganja Dios, y nan a wordo saca for di hardin di Eden y husticia di Dios a alcanza nan.

Moises siendo un lider di e pueblo di Dios, un homber cu Dios tabata papia cune, pa motibo di desobediencia, no a drenta e tera priminti.

Rey David siendo rey a kere cu e por haci locual cu e kier, pero Dios a demostra cu esey no ta posibel, pasobra Dios no ta tolera desobediencia,

inhusticia y inmoralidad, y David y henter su Famia a sufri e consecuencia di locual cu e a haci.

Rey Saul tabata desobediente, y e a kere cu si e cana hunto cu e homber di Dios, cu yama Samuel cos lo drecha pe, pero esey no ta berdad, Dios no ta permiti hende sconde tras di su sirbidornan, Dios a expone tur cos y rechasa Saul.(1 Samuel 15:24-25-26-27-28-29).

Rey Nabucodonosor tambe a purba den su orguyo, y desobediencia di reta Dios, y Dios a pone na su lugar, y a demostra cu Dios no ta tolera orguyo, pero Dios ta stima humildad.

Ora un mayor ta mira su yiu ta haci robes, y e ta tolera e maldad , enbes di saca tur cos na cla, e ta haci su mes ciego, e ta duna su yiu forsa pa sigi den su bagamunderia, y e mes ta condena su yiu.

Sacerdote Eli tabata sa di e maldad di su yiuinan, e a hala nan atencion, pero displina y coreccion no a tuma lugar, e no a kita nan for di caminda nan tabata haci maldad, y esey a causa cu Dios mes kier a mata nan, y nan tur dos a muri riba mesun dia, y Eli tambe ora e a ricibi mal

noticia, riba mesun dia tambe a muri.(1 Samuel 2:12-24) (1 Samuel 4:17-18).

Ora e pueblo di Dios (Israel) ta den pica , Dios semper ta hala nan atencion, y pone su husticia riba nan , pasobra Dios no ta haci acepcion di persona, ora nan ta den pica , nan no por enfrenta e enemigo.(Josue 7:5-10-13).

Mescos cu henter un famia por bini dilanti di Dios pa haci un peticion pa un bendicion den tempo di necesidad of



sanacion pa un ser keri, henter un famia por bini dilanti di Dios, y arepenti, pidi Dios pordon, confesa pica y drecha relacion cu Dios, y Dios lo scucha y perdona nan pica, y restaura e hogar completo. (2 Cronicanan 7:14) ta e ehempel pa tur pueblo y pa tur hogar.

Nos ta bibando den tempo trabahoso, caminda maldad ta wordo scondi,

inhusticia ta wordo practica, y inmoralidad ta wordo celebra.

Adulterio, fornicacion, a bira cos di celebra, ta parece manera hende ta lubida, cu Dios no ta di acuerdo cu e cosnan ey.

Laga nos recorda cu Dios ta Santo, e no ta tolera desobediencia, Dios ta hustu.

Sinceramente, Pastor Marcel Balootje.

Oracion di dia

Un feliz dia fructifero colma cu hopi gracia di Dios.

'Ningun hende no por bini cerca Mi, si mi Tata cu a manda Mi no hal'e

cerca Mi'. (Huan 6, 44)

Cristo ta bisa cu ta via di Dios so un hende por yega cerca djE. Mescos tambe den e lectura ta pa medio di un angel di Dios Felipe a

topa cu e africano. Cristo mes ta splica cu E ta e pan cu ta duna biba. Esaki ta nifica cu nos tin di sigui busca Cristo pa medio di oracion, pa medio di lesa Bijbel, cumpli cu e 10 mandamentonan, haci

bon obra, haci sacrificio y scucha e Palabra di Dios. Busca pa por conoce e Palabra di Dios, laga Pastoornan y Diacononan splica e Palabra di Dios ja asina nos por yega cerca di Dios y Cristo Hesus. Felipe a splica e homber di Etiopia e loke e tabata lesa di profeta Isaias y ora el a compronde el a wordo batista mesora. Rumannan nos tin

di sigui y busca e pan cu ta duna bida cu ta Cristo. Haciendo esaki nos tin sigur di haya bida eterno.

Oracion: Dios Tata laga Spirito Santo inspira nos pa nos por sigui busca e pan cu ta duna nos bida cu ta Cristo.

Amen.

Clasificados

SOLODIPUEBLO@GMAIL.COM
CEL. 585 9500

SOLO De Pueblo